

**Ataatsimiinnermi oqaluuserisassat:**

**Imm. 01** Oqaluuserisassat akuerineqarneri

**Imm. 02** Aningaasaqarnermut tunngasut  
Ilassutitut aningaasaliissuteqarneq - atuiffik 85 – Aningaaserivimmiittuutinit erniat

**Imm. 03** Suliassat naliginnaasut  
Majoriamik ingerlatsineq pillugu Qeqqata Kommuniata aamma Namminersorlutik Oqartussat akornanni naammassisassanut isumaqatigiissut 2019

**Imm. 04** Sisimiuni Sømandshjemmi aamma Kalaallit Guest House pillugit kommunip pilersaaruseriorfigineqarneranut tapiliussaq nr. 33-p inaarutaasumik akuersissutigineqarnera.

**Imm. 05** Meeqqerivik Nukap illutaa angerlarsimaffeqanngitsunut atorlugu

**Imm. 06** Sulisogarnermut tunngasut  
Atorfeqartitanut tunngasutigut paasissutissiineq 9. marts 2020

**Imm. 07** Paasissutissiissutit  
2021-mut missingersuutissanut, ukiunullu 2022-mit 2024 tikillugu missiliuuteqarfiusussanut pingaarnertut piffissaliussat

**Imm. 08** Tamalaat

Ataatsimiinneq videokonference atorlugu ingerlanneqassaq 17. marts 2020 aallartissallunilu nal.  
08.30

***Atassut***

Emilie Olsen

***Inuit Ataqaatigiit***

Juliane Enoksen

***Siumut***

Malik Berthelsen

Evelyn Frederiksen

***Nalunaarluni peqataanngitsoq***

Gideon Lyberth

**Imm. 01      Oqaluuserisassat akuerineqarneri**

**Aalajangiineq**

Juliane - Tamalaanut Utoqqarnut bussinik akiliussisarneq

Emilie - aamma tamalaanut ilanngussassaqaqpoq

Oqaluuserisassat akuerineqarput

**Imm. 02 Ilassutitut aningaasaliissuteqarneq - atuiffik 85 – Aningaaserivimmiittuutinit erniat**

*Journalnr. 06.02.01*

Tunuliaqutaq

Missingersuutininik malitseqartitsinermit atatillugu, aningaaserivimmiittuutit tigoriaannaat pillugit erniat missingersuusiorneqarsimannngitsut paasineqarpoq.

Maleruagassatigut tunngavigisaq

Ilassutitut aningaasaliissutit kommunalbestyrelsip akisussaaffigai.

Immikkoortumut 537000000 aningaasaqarnermut ataatsimiititaliaq akisussaasuvoq.

Pissutsit atuuttut

Maannakut erniat inissisimanerata malitsigisaanik aningaaserivimmi aningaasanik tigoriaannarnit erniatigut isertitsisoqarneq ajorpoq, illuatungaartigut erniatigut aningaasartuuteqartoqartarluni.

Erniatigut aningaasartuut taanna 2019-imut katillugit 1.196.234 koruuninik nalunaarsorneqarpoq. KB ataatsimiinnerani 04/2019-imi 2019-imut 900 tkoruuninik ilassutitut aningaasaliisoqarpoq.

Ernianut aningaasartuutit missingersuusiorneqarnikuunnngimmata, taanna aningaasartuut 2020-mut + ukiunut missiliuuteqarfiusunut 2021 - 2023-mut ukiunut tamanut 1,5 mio. koruuninik missingersuusiorneqarnissaa imminut illersorsinnaavoq, takujuk ataani eqitsisitut takussutissiaq.

	Aningaas.	2020	2021	2022	2023
537000000 1601020000					
134010100 010500	0	1.500	1.500	1.500	1.500
Katilligit		<b>1.500</b>	<b>1.500</b>	<b>1.500</b>	<b>1.500</b>

Aningaasaqarnikkut allaffissornikkullu kingunerisinaasai

Qulaani takutineqartut kommunimi missingersuutininut aningaasaqarnikkut kinguneqassaaq.

Allaffeqarfiup naliliinera

Allaffeqarfiup nalilerpaa, missingersuummik tikkuussisumik pissarsinissamut ilassutitut aningaasaliinissaq qulaaniittoq pisariaqartoq.

Innersuussut

Aningaasaqarnermut ataatsimiititaliamut Kommunalbestyrelsimullu inaarutaasumik akuereqqullugu allaffeqarfiup innersuussutigaa,

- eqitsimmi takussutissami takutinneqartut 2020-mi missingersuutini + ukiunut missiliuueqarfiusunut katillugit 1.500.000 koruuninik ilassutitut aningaasaliisoqassasoq

Aalajangiineq

Innersuussut akuerineqarpoq

Ilanngussat

Soqanngilaq

**Imm 03 Majoriamik ingerlatsineq pillugu Qeqqata Kommuniata aamma Namminersorlutik Oqartussat akornanni naammassisassanut isumaqatigiissut 2019**

Journalnr. 51.10.01

Tunuliaqutaq

2020-mi Majorianik ingerlatsinissaq pillugu Kommunit aamma Namminersorlutik Oqartussat akornanni Nammassisassanut siunnersuut Inuusutissarsiornermut, Nukissiuuteqarnermut Ilisimatusarnermut Suliffeqarnermullu Naalakkersuisoqarfiup 2020-mi januaarip pingajuani isumaqatiginnitissangorlugu nassiuppaa, makkuninnga imaqartoq.

- 2020-mi Majoriamik ingerlatsinermit Naammassisassanut isumaqatigiissummut siunnersut
- Nalinginnaasumik ingerlatsinermit tapiissutit pillugit 2020-mut naatsorsuutit
- Atuartut amerlassusaat naapertorlugu naatsorsuutit

Suliffeqalernissamut ilinniagaqalernissamillu ilitsersuinermit Ataatsimut tapiissutissatut siunnersuutit imaapput:

<b>Eqitsit 1</b>	<b>Tapiissutit</b>		<b>Ilinniartut</b>
	<i>kr.</i>	<i>Utertitsineq</i>	<i>amerlassusaat</i>
- Ingerlatsinermit tapiissutit Maniitsoq	1.403.588		60
- Ingerlatsinermit tapiissutit Sisimiut	1.955.589		62
Ingerlatsinermit tapiissutit VM-imik ingerlatsisut	740.000		
Atuagarsornerunngitsoq*	660.000	x	6
Nunaqarfinni ilitsersuineq	120.000	x	
Sannaviit	1.707.708	x	47
<b>Katillugit</b>	<b>6.586.885</b>		<b>175</b>

Siunnersuummi allannguutit makkuupput:

- Sisimiuni ingerlatsinermit tapiissutini 178.293,- koruunik qaffaanissaq siunnersuutigineqarpoq
- Maniitsumi ingerlatsinermit tapiissutini 163.319,- koruunik appaanissaq siunnersuutigineqarpoq
- Sannaviit pissarsiassaanni 17.961 koruunik qaffaanissaq siunnersuutigineqarpoq
- Atuagarsornerunngitsumut pissarsiassap allanngortinneqannginnissaa siunnersuutigineqarpoq
- Nunaqarfinni ilitsersuineq allannguuteqassanngitsoq siunnersuutigineqarpoq
- VM-imut ilitsersuisunut ingerlatsinermit tapiissutini 15.000,- koruunik appaanissaq siunnersuutigineqarpoq

Maniitsumi Majoriami ingerlatsinermit tapiissutit appartinnissaanut, 2017-imi atuartut amerlassusaannut sanilliullugu 2018-imi amerlassusiisa appariarsimanera siunnersuummut tungaviuvoq.

Ingerlatsinermit tapiissutit suliffeqanngitsunut VM-ertitsinermit naammassisut amerlassusiat tungavigalugu VM-imut ilitsersuisartunut tunniunneqartarput.

2019-imi naammassisassatut isumaqatigiissutaasunut sanilliullugu 17. 935,- korusuninik 2020-imi naammassisassatut isumaqatigiissummi qaffaanissaq pingaarnertut siunnersuutigineqarpoq. Illoqarfiit agguataarlugit tapiissutit missingiutaasut Naalakkersuisoqarfimmit maluginiarneqarpoq. Illoqarfinni assigiinngitsuni pisariaqartitat aallaavigalugit tapiissutit kommunimit agguaanneqarsinnaapput.

Maleruagassatigut tunngavigisaaq

Suliffeqalernissamik Ilinniagaqalernissamillu Siunnersuisarfiit pillugit Inatsisartut inatsisaat nr. 28, 9. decembari 2015-imeersoq.

Pissutsit atuuttut

2019-mi decembarip sisamaani tallimaanilu Majoriamik naliliinermi Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfiup ataatsimiisitsinerani Majoriamut Naammassisassanut isumaqatigiissut pillugu nassuiaassutigineqarpoq. Namminersorlutik Oqartussat sipaarniarnerani naalakkersuisoqarfimmi aningaasaqarneq annertuumik appariaateqarpoq, naalakkersuisoqarfik aamma immikkoortortaminnut missingersuusiortup, tassanilu naammassisassanut isumaqatigiissutinut kalluisussaanginnerat aamma suliniutigineqassalluni. Majorianiit nalunaarutit annertuut aallaavigalugit naammassisassatut isumaqatigiissutit naatsorsorneqartarput.

Ataatsimeeqatigiinnermi tassani naalakkersuisoqarfiup kommunillu akornanni naammassisassatut isumaqatigiissutit ilaat ataasiakkaat eqqartorneqarput. Tassani Qeqqata Kommunia minillugu, tassani Qeqqata Kommuniani nunaqarfinnut angalaniarnerup akikitsuunnginnera pillugu aningaasatigut allannguuteqarani nunaqarfinni ilitersuisarnernut apparsimasoq takuneqarsinnaavoq.

Naammassisassanut isumaqatigiissummut siunnersuutit 2020-mi januaarip pingajuani tiguneqarnerisa kingorna, siunnersuutit siuliani ilinniartitaanermut pisortat centerlederillu akornanni siumut ataatsimeereernerup kingorna januaarip qulingani nassiunneqartut pillugit Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfiup aamma Qeqqata Kommuniata akornanni isumaqatigiinniarnert ingerlanneqarput. Ataatsimiinnermi siunnersuutit ataasiakkaat ilaat Naalakkersuisoqarfimmit aalajangiussimaneqarput, tassunga tunngaviulluni Maniitsumi Majoriami ingerlatsinermut tapiissutit appaataa, tassa Majoriat nalunaarusiaanni atuartut nalunaarsorsimasut appariaateqarsimanerani allassimasoq aallaavigalugu, naallu nunaqarfinni ilitersuisarnernut aningaasat appariaateqaraluartut, allannguuteqartoqannginnissaa Qeqqata Kommunianit aalajangiussimaneqarpoq.

VM-inik ingerlatsinernut tapiissutit qaffanneqarput kr. 15.000,-, maannakkut naammassisassanut isumaqatigiissummullu ilanngunneqarlutik.

Taamaalillutik Majoriamut tapiissutik katillutik imatut isikkoqalerlutik:

<b>Takussutissiaq 1</b>	<b>Tapiissutit</b>		<b>Atuartut</b>
	<i>kr.</i>	<i>Taarsigassat</i>	<i>Amerl.</i>
Ingerlatsinermut tapiissutit Maniitsoq	1.403.588		60
Ingerlatsinermut tapiissutit Sisimiut	1.955.589		62

Ingerlatsinermit tapiissutit VM-ilerisunut	755.000		
Atuakkerinani ingerlataq*	660.000	x	6
Nunaqarfinni aqutissiuussineq	120.000	x	
Sannavinnut	1.707.708	x	47
<b>Katillugit</b>	<b>6.586.885</b>		<b>175</b>

Atuilluartuunissakkut kingunerisinnaasai

Suliffeqanngitsunut suliniutissat piaartumik aallartisarneqarpata pitsaanerussiaaq, taamaalillutimmi suliffissaaleqisut ingerlariaqqinnissaminnut pitsaanerusunik periarfissaqalissapput.

Aningaasaqarnikkut allaffissornikkullu kingunerisinaasai

Ataatsimut isigalugu allaffeqarfik isumaqarpoq, Maniitsumi Majoriamut ingerlatsinermit tapiissutit 163.000,- koruunit siunnersuutigineqaraluartut - ukiut siuliinit appasinnerusut, 2019-imi centerinut marluusunut naammassisassanut isumaqatigiisummut sanilliullugu pingaarnertut 17.961,- koruuninik qaffaaneq tulluurtuuvoq. Tassani naalakkersuisoqarfimmi missingersuutit apparnerat aammalu kommunini allani naammassisassatut isumaqatigiisutit isiginiarneqassapput.

Maniitsumi Majoriamit ilisimatitsissutigineqarpoq, ukiut kingulliit ingerlanerini Maniitsumi Majoriami atuarniarlutik qinnuteqartartut ikileriarsimasut, Pilersitsivimmili atuartut assut aalakkaasut, takuneqarsinnaasutullu inuusuttut akornanni maannamut aamma suli pisariaqartinneqartoq. Inuusuttunut meeqqat atuarfianik naammassinnissimasunut sulilu ilinniagaqaaqqissimannngitsunut aggersaasarnikkut Maniitsumi Majoriaq FA-mi atualersussanik amerlisaaniarluni suliniuteqarpoq.

Ataatsimut isigalugu inaarutaasumik isumaqatigiisutit qaffanneqarnissaa 2020-mut siunnersuutaavoq ima annertutigissasoq kr. 32.935,-, 2019-mut naleqqiullugu.

Allaffeqarfiup naliliinera

Allaffeqarfiup nalilerpaa, Qeqqata Kommunian kommittit allat assigalugit sullissinissamut isumaqatigiisut allatut ajornartumik atsiortariaqartoq. Taakku saniatigut ukiut siulii assigalugit, ineriartortitsilluni suliniutinut naalakkersuisoqarfimmut qinnuteqartoqarsinnaavoq.

Allaffeqarfiup innersuussutaa

Ilinnartitaanermut ataatsimiititaliamut innersuutigineqarpoq-

-Qeqqata Kommuniata aamma Namminersorlutik Oqartussat akornanni Majorianik ingerlatsineq pillugu naammassisassanut isumaqatigiisut 2020 atsiorneqassasoq, suliarlu Aningaasaqarnermut atatsimiititaliamut ingerlateqqinneqassasoq

Ilinniartitaanermut ataatsimiitsitaliap suliamik eqqartuinera

Ataatsimiitsitaliap ulloq 4. marts 2020 ataatsimiinnerminni innersuussut itigartitsissutigivaat, innersuussutigalugulu Aningaasaqarnermut ataatsimiititaliap nalilersussagaa akit ineriartornerannut isumaqatigiisut naapertuunnersoq.



Aningaasaqarnermut immikkoortortap naliliinera

Kommunimi missingersuutit sulii siumut procentii inissinneqanngillat. Siumut missingersuut nalinginnaasumik 1 procent missaaniittarpoq. Kisianni aatsaat uuma qaammatip naalernerani siumut missingersuusiorneq inissinneqassaaq, immaqaluunniit aprilip aallartinnerani.

Kisianni tabel naapertorlugu 1%-mik qaffaaneq, naleqassaaq kr. 65.869,-, tapiissutillu kisiisa isigissagaanni qaffaaneq naleqassagaluarluni kr. 41.142,-  
Qaffaanermut procenti imaassinnaavoq 1,3-iusoq, 1,5% tikillugu.

Taamaammat neqeroorut appasilaartutut nalilerneqarpoq.

**Allaffeqarfiup innersuussutaa**

Aningaasaqarniarnermut ataatsimiititaliamut innersuutigineqarpoq,

-Qeqqata Kommuniata aamma Namminersorlutik Oqartussat akornanni Majorianik ingerlatsineq pillugu naammassisassanut isumaqatigiissut 2020 atsiorneqassasoq, suliarlu Kommunalbestyrelsimut ingerlateqqinneqassasoq

**Alajangiineq**

Innersuussut akuerineqarpoq

**Ilanngussat**

1. Qeqqata Kommunianiata aamma Namminersorlutik Oqartussat akornanni Majorianik ingerlatsineq pillugu naammassisassanut isumaqatigiissut 2020

**Imm. 04 Sisimiuni Søndshjemmi aamma Kalaallit Guest House pillugit kommunip pilersarusiorfigineqarneranut tapiliussaq nr. 33-p inaarutaasumik akuersissutigineqarnera.**

*Journalnr. 16.03.01.01*

Tunuliaqutaq

Sisimiuni Søndshjemmimik Kalaallit Guest House-llu Frederik den IX Pladsip nalaaniittup ineriartorteqqinneqarsinnaaneri qulakkeerniarlugit, kommunip pilersarusiorfigineqarneranut tapiliussaq suliarineqarpoq. Søndshjemmi alliliinissamut pilersaarutit pillugit saaffiginninnikuvoq, Kalaallit Guest House ilaannakortumik ikuallannikummat, nutarsarneqarnissaa naatsorsutigineqarpoq, tamatumani allilerneqarsinnaaneranumut periarfissat ilanngunneqarnikuullutik.

Suliniutigineqartut Aqqutikitsumi sermip eqqaani, Kangerlussuarmut aqqusineq sinerlugu kiisalu Unesco immikkoortortami Aasivissuit – Nipisat il.il atatillugu, takornariaqarnikkut annertusaaniarnermut Qeqqata Kommunip suliniuteqarneranut naapertuupput.

Maleruagassatigut tunngavigisat

Pilersarusiorneq aamma nunaminertat atorineqartarnerat pillugu Inatsisartut inatsisaat nr. 17, 17. novembari 2010-imeersoq, inatsimmut allannguutit ilanngullugit naapertorlugit kommunip pilersarusiorfigineqarneranut tapiliussaq suliarineqarpoq.

Pissutsit atuuttut

Kommunip pilersarusiorfigineqarnerani tapiliussatigut Søndshjemmip namminneq 2300 m<sup>2</sup> miss. alliliinierneranut pilersaarut malillugu periarfissiissoqassaaq, taamaalillunilu init annertuumik amerlineqassallutik, ilutigalugu konferencertarfiliortoqarsinnaalluni. Søndshjemmimi aqutsisunut aappariinnut inissamik sanasoqarnissaa kissaatigineqarpoq, taamatullu Søndshjemmip kangiatungaata ilaani sulisunut inissanik sanasoqarnissaa kissaatigineqarluni. Søndshjemmip tungaaniit pilersaarutit toqqammaviit 2020-mi upernaakkut piareersimanissaat kissaatigineqarpoq, taamaalilluni sanaartugassat siulliit 2020/2021-mi aallartinneqarsinnaassallutik.

Frederik den IX's Pladsip tungaani marlunnik quleriinngorlugu sanaartornissamut periarfissaqalissaaq, sanaartukkallu ilaat Paaraasummiit quleriit pingasuusinnaallutik, quleriit allersaat kælderit ilaalu tamaat saqqalerlugu. Illu B-51-ip isaternissaa (illu sungaartoq) tassani pisariaqassaaq.

Kalaallit Guest House ikuallannikumut taarsiullugu imaluunniit tassunga atatillugu, pilersaarut 1600 m<sup>2</sup> angullugu sanaartortoqarsinnaaneranik periarfissiivoq, sanaartornerlu marlunnik quleriinngorlugu pilersinneqarsinnaalluni. Matumani sanaartorsinnaanermut periarfissat tamakkiisumik atorineqarnissaat kissaatigineqarpat, B-158-i tamakkerlugu imaluunniit ilaannakortumik ingutserneqarnissaa pisariaqarpoq.

Kommunip pilersarusiorfigineqarneranut tapiliussami sanaartorfissatut immikkoortinneqartut iluini imaluunniit taakkununga atatillugu, biilnut uninngasarfiit pilersinneqarnissaat aalajangiunneqarpoq. Najooqutassat taakkartorneqartut naapertorlugit ingerlatsiviit sanaartorfissani inissinneqartut apeqqutaallutik, biilnut uninngasarfiit amerlassusissaat aalajangerneqartarput.

Sanaartornermi malittarisassat naapertorlugit aammalu sanaartugassat annertunerat pineqarmat, Tiinasip Aqqutaaniit nutaanik illuliornissat tunuartinneqarput, taamaalilluni illut akornaniit ungasissuseq maannakkut 7 meteriusumit, 15 meterimik ungasissusilerneqarnissaat qulakkeerneqarluni.

Kommunip pilersarusiorfigineqarneranut tapiliussaq nr. 33, 2019-imi december 16-ianit 2020-mi februaarip qulinga tikillugu tamanut tusarniaassutigineqarnikuuvoq.

Tusarniaanerup ingerlanerani oqaaseqaatinik sisamanik tullinnguuttunik tigusaqartoqarnikuuvoq:

- Aningaasaqarnermut Naalakkersuisoqartik, Nuna tamakkerlugu pilersarusiornermut immikkoortortaarfik
- Ineqarnermut Attaveqaatiginnermullu Naalakkersuisoqartik
- Aatsitassanut Ikummatissanullu Aqutsisoqartik
- Nuka Kristiansen

Ad 1. Nuna tamakkerlugu pilersarusiornermut immikkoortortaarfimmit oqaatigineqarpoq, kommunip pilersarusiorfigineqarneranut tapiliussap inaarutaasumik akuersissutigineqarnissaanut akornutissaqartoqanngitsutut isigineqartoq.

Ad 2. Ineqarnermut Attaveqaateqarnermullu Naalakkersuisoqartik kommunip pilersarusiorfigineqarneranut tapiliussamut oqaaseqaatissaqanngilaq.

Ad 3. Kommunip pilersarusiorfigineqarnerani tapiliussamut Aatsitassanut Ikummatissanullu Aqutsisoqartik oqaaseqaatissaqanngilaq.

Ad 4. Nuka Kristiansen, ilanngussatut ilanngunneqartunik annertulaartumik nassuiaammik nassiusaqarpoq. Uingasumik allassimasunik allaffeqarfik tullinnguuttutigut oqaaseqaateqarpoq. Nassuiaammi ima allassimavoq:

- Illoqarfiup immikkoortua eriagisassaana pineqartoq.
  - *Sanaartorneq illoqarfiup immikkoortuani eriagisassaasumi inissisimanagera ilumuunngilaq, illoqarfiulli immikkoortuanut eriagisassaasumut katersugaasivimmullu attuumasoq ilumoorpoq.*
  - *Sanaartugaq pineqartoq eriagisassaannngilaq, sanaartugarlu taanna annertuumik tunngaviummik nutarsarneqarnissamik pisariaqartitsisuuvoq.*
    - *Tullinnguuttut kommunip pilersarusiorfigineqarneranut tapiliussamut ilanngunneqarnissaat innersuussutigineqarpoq:*
      - *Aalajangersakkat sukumiinerusumi immikkoortoq 4-p ataani "Immikkoortup ilaa annertunerusumik illunik eqqissisimatitanik eriagisariaqakkanullu Katersugaasiviup immikkoortortaanut attuummavoq*
      - *Qupp. 18-imi imm. 1 oqaaseqaataa ima allanngortinneqarpoq:" Sanaartukkap silataatigut ikkersuutaat qisunnik, fiberpladenik, betonginik igalaanillu sanaartorneqassapput, sanaartukkallu ilaat ilaannakortumik allanik atortunik, soorlu saviminernik assigisaanillu sanaartorneqarsinnaallutik. Nukissiuutinik ataavartunik atuinermut atatillugu taamaallaat silataatigut ikkersuutit qillalasunik seqerngullu qinngorneranik utertitsisut atorneqarsinnaapput.*
      - *Qupp. 18-imi imm. 3-mi, aalajangersakkat sukumiinerusumi una ilanngunneqassaaq "Sanaartukkat nutaat ilusaat inissisimanagerinut nalimmassarneqarlutillu, Katersugaasiviup ilivitoqarfitoqqallu eriagisassaanagerisa avatangiisiinut naleqqussarneqassapput".*
  - Imaappoq sanaartortitsisup illup ilusissaanut piumasamik ilusilersuisinnaavoq.

- *Nalinginnaasumik sanaartukkanut nutaanut ilusilersuinissamut maleruagassanik sukatiigaanerusunik ilanngussinissamut, allaffeqarfik kissaateqarpoq. Misilittakkalli takutippaat, sanaartortitsisut naleqqussakkanik kusanartunik sanaartortoqarnissaq kissaatigisaraat, immikkuualuttutigulli allaffeqarfimmik isumaqataannikkajullutik. Allat nalilersugassaannaapput.*
- *Qalia sivingavallaassasoq.*
  - *Annlaangassuteqarnissamik oqariartuuteqarnek tunngavissaqanngilaq – atorneqarsinnaanngitsumik annertuumik ingasattajaartumillu qalialiisoqarnaviannngilaq. Illuatungaatigut silaannarissarfiusinnaasut qaliap suliarineqarneratigut assersimatinnissaat naapertuupportaaq.*
- *Quleriit marluk nalornissutigai.*
  - *Quleriinni ataaseq nalinginnaasumik 3 meterit +/- missaanik portussuseqartarpoq. Neriniartarfinni pisiniarfinnilu inini annertuumik silaannarissartakkat pineqartillugit portunerulaartarput, ineqarfiit pineqartillugit minnerulaarlutik, tassa inissiap iluani portussusissaq 2,5 meteriummat + quleriit akunnerat.*
  - *Kommunip pilersarusiorfigineqarneranut tapiliussatigut Frederik den IX's Plads kaajallallugu marlunnik quleriilinnik sanaartukkanik pilersitsinissamut ammaassisoqarpoq.*
- *m2-it nutaat annertooujussuutillugit ilassuteqarnissaamut ammaassisoqartoq*
  - *Ilumoorpoq m2 annertuunut sanaartornissamut ammaassisoqartoq, inissaqassutsillu tamakkiisumik atorneqartussaannngitsut aamma pineqarunarput.*
- *Biilit uninngasarfissaannut naammattumik inissaqartitsisoqarpa.*
  - *Sanaartukkanut ataasiakkaanut atatillugu malitassat naapertorlugit biiliniq uninngasarfiliinissamut periarfissaqartoq, allaffeqarfimmit nalilerneqarpoq.*
- *Soqusaatsuliortoqartoq?*
  - *Nuka Kristiansen-itut sanaartornissamut sinaakkutit assiliartalersorneqarpata, soqusaatsuliornertut paasineqarluinnarsinnaavoq, allaffeqarfimmiillu assiliartalersuineq assersuutigalugu sanaartortitsisumut suut kissaatigineqannginnerinik erseqqissaanissamut, ajornerpaamik pisoqarsinnaanermut eqqartuinnermi atorneqarsinnaavoq.*
- *Eqikkaaneq*
  - *Sanaartukkanut arlaannaanulluunniit inaarutaasumik pilersaaruteqanngilaq, Sømandhjemmip allilerneqarnissaanut pituttugaaffiunngitsumik tunngavissatut titartagaqarpoq, sanaartugassanullu sinnerinut titartagaateqarani.*
  - *Oqaatigineqassaaq, immikkoortumut sutigut tamatigut naleqqutinngitsumik pilersaarutininik, soorlu Nuka Kristiansen-imit assiliartalersuutigineqartoq, allaffeqarfik tigusissagaluarpat, Pilersarusiornermut inatsimmi §32 naapertorlugu, §32-imik taaneqartartumik inerteqquteqarnissamut Qeqqata Kommunian periarfissaqarpoq, taamaattoqartillugulu pissutsinut isumaqatigiissutigineqarsinnaanngitsunut erseqqissaataasumik, ukiup ataatsip ingerlanerani kommuni kommunip pilersarusiorfigineqarneranut tapiliussamik suliaqarnerani, sanaartorneq unitsinneqassaaq. Periarfissaq taanna amerlanertigut ilusilersuinissamut isumaqatigiittoqalerneranik pilersitsisarpoq.*
  - *Allaffeqarfiup anguniagaraa, siunertanut atuilluartuusunut pilersitsinissamut periarfissiisunik inissaqassutsinik (m2-it katinneri) pilersitsisoqassasoq, taamatullu killiliussat iluani (m2, sanaartukkat portussusaa qaliallu sivinganera) ilusiliinissamut pisatsersuinissamullu nutaaliortumik eqqarsarsinnaanermut periarfissiinissaq. Sanaartukkat qanoq ilusilersorneqarnissaanut*

*erseqqissaqqissaarlugit allaffeqarfimmit nassuiaqqaartinnagit tamanna  
pisinnaasussaassaaq. Tamanna sanatitsisumit taakkulu siunnersuisa suliassaraat.*

Atuilluartuunissakkut kingunerisinnaasai

Sanaartornermut atatillugu nukissiuutinik aaqqiissutinik ataavartussanik atuisinnaanermik periarfissiisoqarpoq.

Aningaasaqarnikkut allaffissornikkullu kingunerisinnaasai

Taassuma saniatigut pilersaarutissatut siunnersuut Qeqqata Kommunanut aningaasaqarnikkut allaffissornikkullu toqqaannartumik kingunissaqanngilaq. Pilersaarutip Sisimiuni takornariaqarnerup ineriartortinniarnanarut, suliffissanik, taamatullu akileraarutigut toqqammaveqarluartumik periarfissiissaaq.

Allaffeqarfiup naliliinera

Allaffeqarfik naliliivoq, Sisimiuni akunnittarfinnik unnuisarfinnillu annertusaajuarnissamat pilersaarut sinaakktissiilluartoq.

**Innersuussut**

Aningaasaqarnermut ataatsimiititaliamit Kommunalbestyrelsimiillu akuereqqullugu allaffeqarfiup innersuussutigaa,

-kommunip pilersaaruserfigineqarneranut tapiliussaq nr. 33 siuliani allaaserineqarneranut pingasunik allannguinerik ilassuteqarfigineqarluni, maannakkut isikkuatut inaarutaasumik akuersissutigineqassasoq, kommunalbestyrelsillu ataatsimiinnerata kinguninngua tamanut nalunaarutigineqarluni

**Aalajangiineq**

Innersuussut akuerineqarpoq, Kommunalbestyrelsemullu ingerlateqqitassanngortinneqarluni

**Ilanngussat**

1. Kommunip pilersaaruserfigineqarnerani tapiliussatut nr. 33-tut siunnersuut

**Imm. 05 Meeqquerivik Nukap illutaa angerlarsimaffeqanngitsunut atorlugu**

Journalnr.: 44.18

Tunuliaqutaq

Kommunalbestyrelsesemi ilaasortaq Juliane Enoksen 29. januar 2020 mail-erluni paaserusuppa meeqquerivik Nuka angerlarsimaffeqanngitsunut atorneqassappat qanoq akeqassanersoq.

Oqaluuserisassangortikkusuppara meeraaqqeriviusimasup Nukap illutaa qanoq atoqqissinnaaneripput. Angerlarsimaffeqanngitsunut piukkuttuaannaralarakku, initai annertummata, taamatut atorluarneqarsinnaammat.

Maleruagassatigut tunngavissaq

Kommunimut pisinnaatitsineq.

Atugarissaarnermut immikkoortortaqarfiup naliliinera

Taamatut atorneqassappat, sulisussatigut qanoq annertutigisumik aningaasartuuteqarsinnaanissaq. Angerlarsimaffeqanngitsut unnuisarfissaannik/angerlarsimaffissaannik pilersitsisoqassappat, najugassaanilu sulisunik atorfeqartitsilluni ingerlatsisoqassappat sulisunik isumaginninnikkut ilinniarsimasunik sulisoqarnissaa inassutiginarpoq, taamaattumik atorfiit assigiinngitsut marluusut akissarsiaasa annertussusaat ataani ersersinneqarput. Ilinniarsimasumik sulisoqarnikkut assigiinngitsutigit tutsuiginartumik ingerlatsisoqarsinnaanera qularnaarneqarsinnaavoq:

Atorfik	Qaammammut akissarsiassat	Qaammammut katillugit kr.	Ukiutum
Isumaginninnermi siunnersorti Pr. 01.04.2020	26.864,17	26.864,17	322.370,04
Isumaginninnermi perorsaasoq		21.900,24	
Tunngavittut akissarsiat	20.588,55		262.802,88
Tapeq	882,27		
Pension-mut	429,42		
SIK timetakst kr. 96,07 x4		11.656,50	139.877,92

Maluginiarneqassaaq akissarsiat tunngaviusumik matumani akit kisimik ersermata, atorfinittitsisoqassagaluarpallu atorfinittussap ukiuni qanoq sivisutigisumi sulisimanera apeqqutaalluni ancienette-ti aamma naatsersuinermit ilanngunneqartarmata, taamaasilluni kisitsisit ersersinneqartunit annertunerussallutik.

Atorfinnik pilersitsisoqassapput ulluunerani nal. 08:00 – 16:00 sulisoqaruni pitsaassaaq, piffissami pineqartumi sullissisoq saaffigineqarsinnaavoq, oqaloqatigineqarsinnaalluni, attaveqarnerit angerlarsimaffeqanngitsunut pilersinneqassapput, naatsersuusiorderit paasissutissanillu ilisimasaqarnerulersinnaaneq qanimut angerlarsimaffeqanngitsut naapittarnerisigut pisinnaalluni. Ullup ingerlanerani kialaarfeqassapput, ualivallaannginneranilu nal. 14:00 unnuisussat allatsikkiartortut isumannaarinnikkiartortassapput. Eqqiaasoqarneq eqqarsaatigalugu atorfinittitsisoqarsinnaavoq ullormut 4 tiimit, eqqiaasup asaanerit, errorsinerit isumagissallugit.

### Teknikkeqarfiup naliliinera

Ilaatigut oqaatigineqarsinnaavoq meqqeriviusimasumi Nukami init attartortinneqartut, kisiannili attartornermut akiliutitaqanngitsumik.

Isertitaqarfigineqannginnerinut tunngaviuvoq, sunngiffimmi pisortap aqqissuunnikuusaanut init madrassinut siniffinnullu eqitertakkanut inissiivittut atorneqarmata.

Taamaattumik toqqorsivittut atorneqarnerani, imai taakku allamut inissinneqaqqaartariaqarput, angerlarsimaffeqanngittunut atorneqalissagaluarpat.

### **Innersuussut**

Aningaasaqarnermut ataatsimiititaliamut paasissutissiissutigineqarpoq.

### **Aalajangiineq**

Innersuussut tusaatissatut tiguneqarpoq

### **Bilag**

1. Juliane Enoksen-ip mailikkut allagaa 29. januar 2020

**Imm. 06      Atorfeqartitanut tunngasutigut paasisutissiineq 9. marts 2020**

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

**Maniitsoq:**

1. Atorfinitisitat

<b>Suliffik</b>	<b>Ateq</b>	<b>Atorfik</b>	<b>Ulloq atorfiniffik</b>
Teknikkimut avatangiisinullu immikkoortortaq	Jens Hendrik Kaspersen	Pilersaarusiordermut sullissisoq	16. marts 2020
Utoqqaat Innarluutillillu Angerlarsimaffiat Neriusaaq	Lea Sanimuinak	Igaffimmi aqutsisup tullersortaatusut	1. marts 2020
Napasup Atuarfia	Aja Jessen	Ilinniartitsisutut ilinniarsimangitsutut	1. maj 2020
Kangaamiut	Miki Willumsen	Ullup affaa sunngiffilerinermik isumaginnittoq	1. februar 2020
Kangaamiut	Miki Willumsen	Ullup affaa Pitsaaliuinermik siunnersorti	1. februar 2020

2. Soraartut

<b>Suliffik</b>	<b>Ateq</b>	<b>Atorfik</b>	<b>Ulloq soraarfik</b>
Atuartut Angerlarsimaffiat	Lea Sanimuinak	Igaffimmi aqutsisoq	29. februar 2020
Angerlarsimaffik Neriusaaq	Arnanguaq Augustussen	Peqqinnissamut Ikiorti	30. april 2020
Ilaqtariinnut Inerisaavik	Mette Arnanguaq Larsen	Hjemmehosser	31. marts 2020
Atuarfik Kilaaseeraq	Elna T. Heilmann	Pisortaq	31. juli 2020
Ilaqtariinnut Inerisaavik	Jens Gustav Levisen	Inuusuttut najugaqatigiiffiani Miljøarbejder	31. januar 2020
Atammiup Atuarfia	Atli Hansen	Ilinniartitsisoq	31. juli 2020

4. Sulinngiffeqartut

<b>Suliffik</b>	<b>Ateq</b>	<b>Atorfik</b>	<b>Piffissaq</b>
Naatsersuuserivik	Dina Olsen	Tullersorti	01.03. 20 – 31.12.20



**Sisimiut:**

1. Atorfinitisitat

Suliffik	Ateq	Atorfik	Ulloq atorfiniffik
Direktion	Nike Berthelsen	Atugarissaarnermut pisortaaneq	1.marts 2020
Meeqqanut Ilaqutariinnullu Immikkooortortaqarfik	Katrine Brandt	Isumaginninnermi siunnersorti	15. marts 2020
Majoriaq Sisimiut	Berthe Zachariassen	Immikkooortortami aqutsisoq	01. marts 2020
Meeraateqarfik Naalu	Elvira Lundblad	Perorsaasoq	01. marts 2020
Ilaqutariinnermut immikkooortortaq	Tuperna Jakobsen	Sullissisoq	01. marts 2020
Meeraateqarfik Nuunu Itilleq	Kistaaraq Davidsen	Isumaginninnermi Ikiorti	13. januar 2020

2. Soraartut

Suliffik	Ateq	Atorfik	Ulloq suliunnaarfik
Meeqqanut Ilaqutariinnullu Immikkooortortaqarfik	Else Olsen	Isumaginninnermi sullissisoq	12. marts 2020
Meeraateqarfik Kanaartaq	Dorthea Jakobsen	Isumaginninnermi Ikiorti	31. december 2019
Meeqquarivik Nuka Kangerlussuaq	Lone A. Lyberth	Inuussutissalerinnermi Ikiorti	31. marts 2020

3. Suliffimmi nuuttut

Suliffimmiit	Suliffimmut	Ateq	Atorfik	Piffissaq
Ilaqutariinnut Kiffartuussivik	Meeqqanut Ilaqutariinnullu Immikkooortortaqarfik	Mia Jakobsen-Siegstad	Isumaginninnermi Siunnersorti	15.02.20
Meeqqanut Ilaqutariinnullu Immikkooortortaqarfik	Ernumaatitut nalunaarsuivik	Bibi Alaufesen	Isumaginninnermi siunnersorti	01.03.20

4. Sulinngiffeqartut

Suliffik	Ateq	Atorfik	Piffissaq
Utoqqaat Angerlarsimaffiat Qupanuk	Aaju Silassen	Isumaginninnermi Ikiorti	23.03.20 – 30.08.20

**Innersuussut**

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

**Aalajangiineq**

Innersuussut tusaatissatut tiguneqarpoq

**Ilanngussaq**

Ilanngussaqaanngilaq

**Imm. 07 2021-mut missingersuutissanut, ukiunullu 2022-mit 2024 tikillugu missiliuuteqarfiusussanut pingaarnertut piffissaliussat**

*Journalnr. 06.01.00*

Tunuliaqutaq

2021-mut missingersuutissanut, ukiunullu 2022-mit 2024 tikillugu missiliuuteqarfiusussanut pingaarnertut piffissaliussassatut tulliuuttut siunnersuutigineqarput.

Maleruagassatigut tunngavigisaq

Kommunip aqunneqarneri pillugit Inatsisartut inatsisaat nr. 22, 18. november 2010-meersoq naapertorlugu ima allasimasoqarpoq:

§ 25. imm. 1 nr. 4 aamma 5, Aningaasaqarnermut ataatsimiititaliap suliassarivaa:

4) Aningaasaqarneq pillugu ingerlatsineranut atatillugu tunngaviusussanik maleruagassiorneq, ataatsimiititaliat ataavartut kommunalbestyrelsimut inassuteqartarneranni pituttuisumik maleruarneqartussaasunik.

5) Aningaasaqarnermut ataatsimiititaliap isumagissavaa ataqatigiissaassalluguluunniit kommunip immikkoortunut pilersarusiornera, ataatsimut atorneqartussanik pilersarusiornermut maleruagassiornermigut paasissutissallu qanoq annertussuseqarnerisut aalajangersaanermigut.

§ 41. imm. 1, 2 aamma 3, ukiumut aggersunut kommunip ukiumut missingersuutaanut kommunalbestyrelsimut siunnersuutinik Aningaasaqarnermut Ataatsimiititaliaq suliaqassaaq. Siunnersuutit ukiunut tulliuuttunut minnerpaamik pingasunut missingersuusianik imaqaassapput.

*Imm. 2.* Ukiumoortumik missingersuusiap imarissavai kommunip

isertitassai aningaasartuutissaalu tamarmiusut kiisalu kommunip aningaasaataasa tigorianaanaa aamma aningaasaqarnikkut naatsorsuutaasa nikingassutaat.

*Imm. 3.* Ukiumoortumik missingersuusiaq aningaasartuutissanut, isertitassanut aamma nikerartussanut allanut ilimagineqartunut tamatigut takussutissaassaaq.

Kommunit missingersuusiornerat, aningaasanik tigorianaanaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq naapertorlugu allasimasoqarpoq

§ 1. imm. 1 Kommunit missingersuutaat ukiunut arlalinnut missingersuutitallit isertitanit akileraarutit pillugit Inatsisartut inatsisaanni kommuninut procentimik annertussusiliinissap aalajangiivigineqarnissaanut killiliussaq naatinnagu akuersissutigineqartassapput.

*Imm. 2.,* Aningaasaqarnermut ataatsimiititaliap killiliussaq imm. 1-imi taaneqartoq naatinnagu kingusinnerpaamik qaammatinik marlunnik sioqqullugu missingersuutissanut siunnersuut kommunalbestyrelsimut tunniutissavaa.

Pissutsit atuuttut

Piffissatut pilersaarut 2020-mut missingersuutinut piffissatut pilersaarummik aallaavilerlugu pilersarusiugaavoq.

Politikkikkut ataatsimiititalianit, nunaqarfinni aqutsisunit pisortaqatigiinniillu missingersuutinut kissaatitut missingersuutitigullu allannguutissatut siunnersuutinik nassiusineranut atatillugu 2020-

mi missingersuutinin ingerlatsinermut periusissamut missingersuutinin kissaatinut immersugassaq KB-mit akuerisaasoq atorpeqassaaq.

Missingersuutinin kissaatit, imm. 3 oqariartuuteqarpoq, partiinit, politikikkut ataatsimiititalianit, nunaqarfinni aqutsisunit pisortaqaqatigiinniillu missingersuutinin kissaatit kingusinnerpaamik 2020-mi juunip 30-ani allaffeqarfimmi tiguneqareersimassat.

Kissaatit taakku 2020-mi juunip 30-ani allaffimmi tiguneqareersimassapput. Piffissatut pilersaarut allattorluagaanersoq ilangussatut ilangunneqarnikuvoq.

#### Aningaasaqarnikkut allaffissornikkullu kingunerisinaasai

Piffissaliussat imminerminni aningaasartuuteqarfiunatillu allaffissornikkut sunniuteqassanngillat, kisiannili eqqortumik missingersuutitigut suliaqarnissaq annertuujullunilu ajornakuusoortuvoq, tamatumanilu allaffissornikkut nukippaaluit atorpeqassallutik.

#### Allaffeqarfiup naliliinera.

2021-mut missingersuutitigut ukiunullu 2022-miit 2024 tikillugu missiliuteqarfiusunut aningaasaqarnikkut eqqortunik killiliussinissaq pingaaruteqartut allaffeqarfiup isigivaa.

#### **Innersuussut**

Aningaasaqarnermut ataatsimiititaliamut paasissutissatut innersuussutigineqarpoq.

#### **Aalajangiineq**

30. maj siunnersuutigineqartut allaffeqarfimmit tiguneqareersimanissaat innersuussutigineqarpoq. Ataatsimiititaliat pilersaarummik ilisimatinneqassapput

Allannguut akuersissutigineqarpoq

#### **Ilanngussat**

1. 2021-mi missingersuutinin ukiunullu missiliuteqarfiusunut 2022-miit 2024 tikillugu missingersuutinin suliaqarnissamut pingaarnertut piffissatut pilersaarut.

**Imm. 08 Tamalaat**

Juliane Enoksen - COVID19 pissutigalugu utoqqaat bussinik pisariaqanngitsumik angalannginnissaat Qeqqata Kommunianiit kaammattuutigineqassaaq.

09.10 ataatsimiinneq naammassivoq